



Broj: 04-16-4-317-9/15
Sarajevo, 19.02.2015.godine

Na osnovu člana 70. i člana 69. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

O D L U K U o poništenju postupka javne nabavke

I

Poništava se postupak nabavke usluga godišnjeg sistematskog pregleda pripadnika Odjeljenja Sudske policije Bosne i Hercegovine i Pritvorske jedinice Zavoda za izvršenje krivičnih sankcija.

II

Postupak nabavke iz tačke I ove odluke se poništava do donošenja Odluke o pokretanju ponovnog postupka.

O b r a z l o ž e n j e

Ministarstvo pravde Bosne i Hercegovine je Zapisnikom o ocjeni ponuda broj: 13.5-16-4-318-1/15 od 03.02.2015.godine, Odlukom broj: 04-16-4-317-6/15 od 11.02.2015.godine i Obavještenjem o rezultatima broj: 04-16-4-317-7/15 od 12.02.2015.godine, dodjelo ugovor JU „Zavod za zdravstvenu zaštitu zaposlenika MUP-a Kantona Sarajevo“, Ulica Alije Isakovića broj 3, 71000 Sarajevo u konkurentskom postupku nabavke usluga godišnjeg sistematskog pregleda pripadnika Odjeljenja Sudske policije BiH i Pritvorske jedinice Zavoda za izvršenje krivičnih sankcija.

Kako je predviđeno konkurentskim zahtjevom broj: 04-16-4-317-1/15, odabrani ponuđač je bio dužan nakon dostavljenih naprijed navedenih akata, dostaviti dokaz na način kao što je napisano u Aneksu 1A u dijelu napomene kako glasi: „ja kao ponuđač u navedenom postupku nabavke se obavežujem da ću ako budem odabran u roku od pet dana od primitka obavještenja o rezultatima, dostaviti original ili ovjerenu kopiju Uvjerenja izdato od strane ovlaštenog organa u BiH ili u bilo kojoj drugoj zemlji u cilju dokazivanja da je ispunio obaveze u vezi s plaćanjem poreza, a koje obuhvata direktne poreze u skladu sa relevantnim zakonskim odredbama u Bosni i Hercegovini ili zemlji u kojoj je registrovan. Uvjerenje ne može biti starije od tri mjeseca od momenta prijema ponude i mora biti original ili ovjerena kopija originala.“

Odabrani ponuđač je dostavio Uvjerenje broj: 13-9/2-15-1-633/15 od 17.02.2015.godine, da nema duga po osnovu javnih prihoda (plaćenim direktnim porezima), obzirom da je prijem ponuda za sistematski pregled bio 03.02.2015.godine u 11:00, koji je i bio krajnji datum na koje je uvjerenje trebalo da glasi, Komisija nije bila u mogućnosti prihvatiti isto uvjerenje jer je dostavljeno sa datumom poslije roka predviđeno konkurentskim zahtjevom. U skladu sa članom 68. stav (1) i (4) tačka i) Zakona o javnim nabavkama BiH kako glasi: „Ugovorni organ odbacuje zahtjev za učešće ili ponudu ako kandidat/ponuđač **nije dostavio tražene dokaze ili je dostavio nepotpune dokaze** ili je lažno predstavio informacije koje su dokaz ispunjavanja uslova iz čl. 45. do 51. ovog zakona.“ „**Ponuda nije potpuna i ne ispunjava zahtjeve iz tenderske dokumentacije.**“ Time je Komisija odlučila da odbaci ponudu ponuđača JU „Zavod za zdravstvenu zaštitu zaposlenika MUP-a Kantona Sarajevo“, Ulica Alije Isakovića broj 3, 71000 Sarajevo.

Po Zapisniku o ocjeni ponuda prethodno donesenom od strane Komisije od 03.02.2015.godine i u skladu sa članom 72. stav (3) tačka a) i b) Zakona, kako glasi: „Ugovorni organ dostavlja prijedlog ugovora onom ponuđaču čija je ponuda po rang- listi odmah nakon ponude najuspješnijeg ponuđača, u slučaju da najuspješniji ponuđač:

a) propusti dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ; ili

b) propusti dostaviti dokumentaciju koja je bila uslov za potpisivanje ugovora, a koju je bio dužan pribaviti u skladu s propisima u Bosni i Hercegovini.“


Međutim, Komisija je naknadnom provjerom utvrdila da nije u mogućnosti dodjeliti ugovor drugom najuspješnijem ponuđaču, u konkretnom slučaju JU „Zavod za medicinu rada Kantona Sarajevo“ Ulica Bulevar Meše Selimovića broj 2, 71000 Sarajevo sa cijenom ponude od 13.815,00 KM bez uračunatog PDV-a, zbog toga što u planiranom budžetu Ministarstva pravde BiH za 2015.godinu za usluge sistematskog pregleda osigurano je sredstava samo u iznosu od 6.000,00 KM sa uračunatim PDV-om, što ovom ministarstvu, odnosno Komisiji je onemogućilo dodjelu ugovora drugoplasiranom ponuđaču. Čime su ispunjeni uslovi za poništenjem postupka nabavke u skladu sa članom 69. stav (2) tačka e) Zakona o javnim nabavkama BiH, kako glasi: „Ugovorni organ obavezan je poništiti postupak javne nabavke u slučaju da:

e) cijene svih prihvatljivih ponuda znatno su veće od osiguranih sredstava za predmetnu nabavku.“

Shodno navedenom, Komisija je preporučila ministru pravde Bosne i Hercegovine (Zapisnik broj: 13.5-16-4-318-2/15 od 19.02.2015.godine u prilogu), da se u predmetu nabavka usluga godišnjeg sistematskog pregleda pripadnika Odjeljenja Sudske policije BiH i Pritvorske jedinice Zavoda za izvršenje krivičnih sankcija, donese Odluku o poništenju postupka nabavke

Uzimajući u obzir naprijed navedeno, odlučeno je kao u dispozitivu Odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti prigovor ministru pravde Bosne i Hercegovine na postupak u pisanoj formi, u roku određen članom 101. stav d) Zakona o javnim nabavkama Bosne i Hercegovine od dana kada je primio Odluku, odnosno Obavještenje o rezultatima.



MINISTAR

Bariša Čolak

Dostaviti:

- Ponuđačima,
- a/a.